

MUSLIMANI BUGARSKE PROTIV MINISTRA ZA MANJINE

Prema pisanju Rabitinog glasila *El-Alemu el-Islami* iz Mekke iz ureda muftije Osmana Hilmija iz Plovdiva stigao je zahtjev predsjedniku vlade kojim traže smjenu ministra za manjinska pitanja Božidara Dimitrova, koga su optužili da radi na razbijanju muslimanskog jedinstva. Državna novinska agencija *Sofija* prenosi da je muftija Plovdivski Osman Hilmi izjavio da ministar Dimitrov radi na razbijanju redova muslimana u Bugarskoj. Hilmi je objavio da će organizirati demonstracije protiv imenovanja Nedima Džindidžijeva liderom bugarskih muslimana. Osman Hilmi je poslao delegaciju u Brisel koja će se sastati sa predsjednik Komisije Barosom i zatražiti od njega da zahtjeva od predsjednika bugarske vlade da se država ne miješa u unutarnje poslove Islamske zajednice. Agencija prenosi da se u petak poslije džume okopulo u Plovdivu više od deset tisuća muslimana-demonstranata koji su zahtjevali od vlade da se ne miješa u njihove izbore vjerskih lidera. Vrhovni prizivni sud u Bugarskoj donio je presudu 12. svibnja ove godine da je Islamska zajednica dužna vratiti na čelo bivšeg muftiju Nedima Džundidžijeva, poznatog široj muslimanskoj javnosti još iz doba komunizma. Otkako je Bugarska ušla u Europsku Uniju stanje u Islamskoj zajednici se komplicira i sve više izlazi ispod kontrole rukovodstva. Da li postoji zavjera protiv jedne od najsnažnijih islamskih skupina u EU teško je reći, ali činjenice idu u prilog tomu, pa i ovaj spor.